

J. J.  
DISSERTATIO MEDICA  
INAUGURALIS

*De*

# LETHARGO

*Quam*

Divino Annuente Numine,

*ex*

DECRETO atq; CONSENSU

*GRATIOSISSIMI*

ORDINIS MACHAONII

ALTDORFFINI

PRO LICENTIA

Summos in MEDICINA HONORES

atq; PRIVILEGIA DOCTORALIA

acquirendi

*Publico Philiatricum Examini*

*submittet*

*Pridie Calend. Octobr. A. E. C. M DC LXXXIV.*

JOH. GEORGIUS VOLCKAMERUS,  
Norimbergensis.

---

*ALTDORFFI,*

Typis HENRICI MEYERI, Universit. Typographi.

THE NEW YORK PUBLIC LIBRARY  
ASTOR LENOX TILDEN FOUNDATION

# THE NEW YORK PUBLIC LIBRARY

ASTOR LENOX TILDEN FOUNDATION

1195 N. 4th St. New York, N.Y. 10017  
(212) 854-2400

Open daily 10:00 a.m. to 5:00 p.m.  
Closed on Mondays and Tuesdays

For more information, call (212) 854-2400

or visit our website at <http://www.nypl.org>

Open to all, free of charge


For a complete list of our services and programs, visit our website at <http://www.nypl.org>

For more information, call (212) 854-2400  
or visit our website at <http://www.nypl.org>





A. Ω.



*SOMNUM antiquitas Deum finxit, ejusq; aulam soporiferam Ovidius, Poëtarum ingeniosissimus apud Cimmerios collocavit, dum ita Metamorphos. Lib. XI. Fab. 12. lusit:*

Est propè Cimmerios longo spelunca recessu,  
 Mons cavus, ignavi domus & penetralia somni:  
 Quò nunquam radiis oriens, mediusve, cadensve  
 Phœbus adire potest, nebulæ caligine mistæ  
 Exhalantur humo, dubiæq; crepuscula lucis.  
 Non vigil ales ibi cristati cantibus oris  
 Evocat Auroram; nec voce silentia rumpunt  
 Solitative canes, canibusve sagacior anser,  
 Non fera, non pecudes, non moti flamine rami,  
 Humanæve sonum reddunt convitia linguæ.  
 Muta quies habitat, saxo tamen exit ab imo,  
 Rivus aquæ lethes, per quem cum murmure labens  
 Invitat somnos crepitantibus unda lapillis.  
 Ante fores antri fœcunda papavera florent,  
 Innumeræq; herbæ, quarum de lacte soporem  
 Nox legit, & spargit per opacas humida terras.  
 Janua, ne verso stridorem cardine reddat,  
 Nulla domo tota est, custos in limine nullus.  
 At medio torus est hebeno sublimis in antro  
 Plumeus, unicolor, pullo velamine tectus,  
 Quo cubat ipse Deus, membris languore solutis,  
 Hunc circa passim varias imitantia formas  
 Somnia vana jacent totidem, quot mœsis aristas,  
 Sylva gerit frondes, ejectat littus arenas.



*Placet hæc de Somno Fabula, sed perplacet potiùs Basilii, Cæsariensis Episcopi, Ecclesiasticorum Scriptorum eloquentissimi, monitum, qui, gratias age illi, inquit, scil. VERO DEO, qui mirabiliter nos per somnum ab assiduus laboribus recreat, & modicæ quietis beneficio, rursus ad vigorem virium reducit. Sanè enim quando per diurnos labores, meditationes, studia, curas, motusq; varios spiritus exhausti, & membra defatigata sunt, eccquid gratius nobis accidere potest ipso Somno?*

-- quem cura fugit, qui corpora duris fessa ministeriis mulcet reparatq; labori.

*Contra anne summè nobis molestum est, si vigiles ducere noctes, morbi, dolores & cruciatus varii imperent? O aurea ergò Sanitatis tempora! ubi justo tempore vigilias diurnas nocturnus excipit Somnus, nam & hîc*

-- -- amant alterna Camoenæ.

*O tristia verò hominum fata! quando moderationem & temperamentum aut somnus aut vigilæ excedunt. Dixerim tamen, immoderatum somnum pessimum esse, hic namq; non cum Menandro mors ad breve, sed ad longum tempus, non aliquot tantum, sed plurium horarum, imò dierum obitus dici meretur. Hic cum exiguum vitæ tempus datum sit hominibus, velut publicanus non dimidium tantum ejus, prout Plutarchus olim dixit, sed plurimum aufert. Proinde Soporosi Medicis dicti affectus meritò ab iisdem considerantur, diligenter indagantur, & quæ ad curationem ipsorum faciunt perquiruntur: Inter eosdem autem cum Lethargus non postremum habeat locum, dignus mihi visus est, ut istum in Disputatione hac Inaugurali, ex Decreto atq; Consensu GRATIOSISSIMI ORDINIS MACHAONII ALTDORFFINI habendâ, declarandum sumserim. Faxit DEUS ut hoc meum propositum cedat feliciter!*





## THESIS I.

**C**ùm ex sententiâ Illustris Scaligeri, ante omnia Vocis usum cognoscere oporteat, & Philosophiæ Consulti Sapientissimi approbent, δεχλὼ τῆς παιδεύσεως εἶναι πλὴν τῶν ἰνομμάτων Πίσκεψιν, me quoque, in Genealogiâ nominis Lethargi declarandâ, primùm occupatum esse addecet.

## TH. II.

Est autem nomen *Lethargus*, à Medicis in latinam civitatem receptum, origine Græcum; dicitur enim λήθαργος à λήθη, & δέργος, i. e. *oblivio iners*, uti tradit Christianus Becmanus de Origin. Lat. Ling. p. m. 456., vel à notissimis duobus accidentibus λήθη & δέργια, *stupida, somnolenta*, & *pigra rerum omnium oblivio* denominatur; est enim Lethargicorum, oblivisci sui, nam memoriam, inter somnum obtusum, rei nullius habent, adeò ut etiamsi excitentur, statim in somnum relabantur, ceu scribit Johann. Conrad. Dietericus in Patréo Hippocratico num. 501. p. m. 706. Quintus Serenus Sammonicus nominis rationem à letho deduxisse, aut illuc allusisse ad minimum videtur, dum enim lethargiæ expellendæ rationem tradit, ita præfatur:

*Deniq; nonnunquam somno sic membra gravantur,  
ut conjungatur letho, sopor albus, acerbo.*

Aliàs Latinis affectus noster *Veternus*, altus ac gravis sopor, marcor, & inexpugnabilis dormiendi necessitas vocatur, Germanicè audit die *Schlaffucht*.

## TH. III.

*Homonymia* etiam hîc attendenda est; usitatisimum namq; nomen *Lethargus* generaliter sumtum omnem affectionem soporosam, sive somnum profundum & dif-



facilis expergefactionis, complectitur, prout testatur *Sennertus Prax. Med. Lib. I. part. 2. cap. 20. Willis. Tr. de Anima brutor. part. 2. patholog. cap. 3. & Dietericus l. c. Specialiter autem & propriè pro somno profundo cum febre & delirio accipitur.*

#### TH. IV.

Sed satis de nomine, pergo igitur ad *Definitionem*, qualem, si non ad *Logicorum* normam quadrantem, Medicam tamen, hoc est, usui sufficientem (uti loqui amabat immortalis gloriæ Vir Beatus *Casparus Hofmannus*) dabo sequentem: *Lethargus est imminutio ac depravatio functionum principum animalium, cum inexpugnabili dormiendi necessitate, ac febre lentâ conjuncta, ortum habens ab impeditâ in Cerebro Spirituum animalium expansione irradiativâ, per varias causas introductâ.*

#### TH. V.

Generis loco posita est imminutio ac depravatio functionum principum animalium, velut symptoma ad primam classem symptomatum, scilicet actionum læsarum, pertinens. Est autem actio læsa imminuta sensus communis, quod patet ex inexpugnabili dormiendi necessitate, actio verò depravata ratiocinationis & imaginationis, quod delirium indicat; memoria quoque imminutè vel abolitè læsa est, siquidem aliquando omnium rerum oblivio adest, ita, ut affecti nec de rebus ingerendis aut egerendis sint solliciti, licet præter id quod naturæ inevitabilis exigat necessitas, seriò etiam admoneantur; Urget quoque aliquando tanta oblivio, ut si os aperiant, obliviscantur tamen iterum claudendum esse; imò morbi hujus insultum graviolem passi, si quando in declinatione ejus vi quasi excitantur, rerum omnium obliti, haud propriorum aut amicorum nominum amplius recordantur, uti testatur. *Willis. l. c.*

#### TH. VI.



TH. VI.

Jam verò cùm omne Symptoma præsupponat morbum, meritò quæritur, qualis hîc adsit morbus ? Respondeo, adesse morbum cerebri intemperiei frigidaë & humidæ, vel clariùs, pituitosæ, serosæ, itemq; vaporosæ, & narcoticæ &c. cum quo sæpè concurrit morbus meatuum Cerebri, præternaturam angustatorum, compressorum, repletorum, aut obstructorum. Cartesiani siquidem in hoc morbo accusant cerebrum quoad poros ipsius, qui si sint obstructi, spiritus animales haud per eos ad munia pristina permeare possunt, unde propensionem talem in somnum esse contendunt, vid. *Dolæus in Encyclopæd. Medic. Theoret. Practic. l. I. c. 5. p. m. 71.*

TH. VII.

Subjectum igitur sive pars affecta est Cerebrum, tùm quoad substantiam suam corticalem & cinericiam, quàm medullarem & albicantem, consideratum. *Sylvius* equidem *Prax. l. 2. c. 29. §. 18. & 19.* locum primariò affectum in lethargo non vult esse cerebrum, verùm totam sanguinissimam, sive vasa sanguinem circumvehentia; Nam quamvis caput grave sit lethargicis, id tamen à vaporibus aut humoribus cum sanguine ad Cerebrum delatis exoriri existimat, ut non opus sit ad peculiare & primarium Cerebri vitium recurrere: Sed videtur Clarissimus Vir subjectum causæ morbificæ, cum morbi subjecto, confundere.

TH. IIX.

Pergo ad Causarum Scrutinium, quas inter primò considerandam sese sistit causa proxima, sive immediata, hanc verò dixi in definitione, esse impeditam in Cerebro Spirituum animalium expansionem irradiativam. Nam quemadmodum in statu naturali Spiritus animales

ex



ex subtilissimo sanguinis chyloso-aërei flore geniti, particulis suis elasticis Cerebri poros ac meatus omnes blandè distendunt, singulosq; ejus anfractus instar ætheris subtilissimi luminosi permeant & irradiant, tum insuper liberrimo motu per omnes Cerebri gyros, anfractus, & diversas concamerationes agitati, functionum principum exercitiis obeundis inserviunt; ita in præsentè hoc affectu præternaturali expansionem istam irradiativam impeditam esse, ex functionum læsione manifestè apparet.

### TH. IX.

Interim hæc ipsa irradiatio expansiva in Cerebro variis modis impediri solet: Nempè (1) quando particulæ plures pituitosæ viscidæ à sanguine consimili ad Cerebrum advektæ, atq; inter ejus poros depositæ sunt, ceu exemplum Viri crassi pituitosi in lethargum incidentis memorat *Petr. Forestus, Observ. & Curat. Medicin. Lib. X. obs. 10.* Vel (2) quando ferosa colluvies, aut lymphæ vappida iners, aut recrementa sulphureo-salina, tartarea, scorbutica &c. in sanguine abundantia & coacervata, cum eodem in Cerebri anfractus exteriores irruunt, ejusq; poros & meatus corticales non tantum subeunt, sed & (ubi gravius fuerit malum) successivè ad medullarem usq; substantiam aliquantum se diffundunt. Pro ulteriori confirmatione *Willisium* adducere juvabit, qui in multis ab hoc morbo defunctis plicarum Cerebri interstitia aquâ lymphidâ repleta, quin & extimam ejus substantiam à nimio madore mollem & minus firmam, insuper in nonnullis cavitates interiores lymphâ turgentes, & totius Cerebri compagem hydrope seu potius diluvio inundatam reperit. (3) Quando propter abscessum particulæ purulentæ meatus Cerebri subeunt; ita namq; *Schenckius Observ. Medicin. Lib. I. obs. 110.* refert in muliere ex lethargo defunctâ



Etâ abscessum in anteriori Cerebri parte repertum fuisse, & pus interiori Cranii ossis parti adhærescens, quod & è naribus paulò antè mortem irritatis profluxerat; Similem observationem adducit *Forestus Observ. & Curat. Medicin. Lib. X. obs. 11.* (4) Quando cerebro à tumore compresso, ejus meatus angustiores fiunt, sic annotavit *Platerus in Prax. L. I.* in Nobili Bonecourtio stuporis soporosi causam post mortem deprehensam fuisse glandulam magnam supra corpus callosum genitam, cum humoris copiâ. (5) Quando à Sulphure quodam vaporoso viscoso ligantur Spiritus, vel ab aciditate ejusdem Vitriolicâ coagulantur, vel à Narcosi stupefaciente fascinantur, quò minus ad sensuum organa & consueta munia prorumpant. Vid. *Henricus Petrus in Nosologia Harmonica Dissert. 5. §. 24.* Ita fumus carbonum, maximè fossilium, terræ bituminosæ combustibilis, quâ Hollandi & Angli pro lignis utuntur, fumus picis, opopanacis, galbani, aliorumq; gummatum, vapor vini, croci, amygdalarum amararum &c. sulphure narcotico somnum inducunt, quia ex sententia Hermeticorum Æus &iales tenues incraissant, mobiles figunt, volatiles congelant: Similiter ex fumo fornacis recenter exstructæ lethargum subortum esse testatur *Hildanus Centur. 4. observat. 11. fol. 22.*, citatus à *Matthia Morono in Directorio Med. Practic. p. 262.* Adhæc ex incauto opiatorum usu similem effectum introduci posse omni dubio vacat.

### TH. X.

Ceterum causæ mediatæ propinquæ & antecedentes possunt esse humores, in corpore adhuc fluctuantes, pituitosi, viscosi, serosi, aquei, purulenti, aut alii Sulphure vaporoso, viscoso, narcotico, corrupti, aut austeritate vitriolicâ depravati, qui dein ad Cerebrum delati causæ



proximæ naturam induunt. Hûc quoq; pertinent, temperamentum pituitosum, frigidum, ferosum, debilis laxa vitiofaq; Cerebri constitutio, ætas senilis ob pituitæ abundantiam & caloris defectum, vel juvenilis etiam, ob copiosam humiditatem prædominantem, vid. *Hipp. S. 3. aph. 30.*, cacochymia, cachexia, phrenitis, abscessus, aliiq; morbi prægressi, aut prorsus non, aut malè judicati, recrementa morbida in sanguine relinquentes, qui eadem dein intra Cerebrum deponere quandoq; solent.

### TH. XI.

Pergimus ad causas mediatas remotiores, sive Procatarcticas: Quas inter (1) accusandus venit Aër, humidatibus multis imprægnatus, aut frigore exasperatus, sicuti *Hippocrates* hyeme lethargum sæpius fieri in *Secl. 3. aph. 23.* confirmatū reliquit. (2) Cibi crassi, viscidi, vaporosi, leguminosi, ac bulbosi, ansam huic morbo præbent, hinc alii ac coepæ usum accusat *Avicenna Lib. 3. Fen. 1. tr. 3. c. 7.* Potus vaporosus crudus, aut copiosior usus vini generosioris, aut Spiritus vini, aliorumq; Quum ardentium, in culpâ quoque sunt, nec minùs januam pandunt affectui proposito compotationes nocturnæ, & crapulæ frequentiores, idq; cum primis, si homines iis dediti mox se tradant somno; hic enim alias inter causas procatarcticas (3) hûc concurrit, præsertim nimius, cui si indulgeatur, necessariò fit, ut Cerebro vaporibus repleto gravetur caput, Spiritus obscurentur, omnes sensuum mentisq; vires torpore & ignaviâ debilitentur, motus humorum naturales retardentur, crudi pituitosi succi, & omnis generis supervacanea, exaggerentur; vid. *Clariss. Charleton. Exerc. Pathol. 6.* (4) Paria cum somno facit quies nimia, utpote quæ Spiritus crassos, torpidos, & ad omnes mentis functiones valdè ineptos reddit. (5) Excernenda pituitosa,



si omiſſâ evacuatione conſuetâ, retineantur, malo noſtro materiam offerunt; ita ſudatio etiam omiſſa, purgatio neglecta &c. apprimè hûc morboſum ſymbolum conferunt: *Williſius* inſuper notat, acidulas in quantitate largiori potas, nec per urinam ſufficienter rurfus evacuatâs, lethargum minari. Nec (6) Animi Pathemata, cum primis triſtitia, mœrorq; diuturnus, terror &c. quæ Spirituum expansionem irradiativam cohibere ſolent, hîc culpâ vacant

TH. XII.

Viſis Cauſis progredior ad Signa hujus affectus Diagnostica, eaq; demonſtrativa, affectum ſive lethargum demonſtrantia, ſunt autem ſequentia: ſcilicet, inexpugnabilis dormiendi neceſſitas, propter Spiritus animales ab expansione irradiativa per cauſas ſupradictas impeditos & cohibitos introducta, dein oblivio, propter cerebri tractus à materiâ heterogeneâ repletos, vel propter animalium Spirituum conſuetum motum cohibitum, vel propter veſtigia Cerebro impreſſa deleta, ſubſecuta; tum delirium propter ideas menti falſè repræſentatas excitatum; deniq; febris (per pulſum magnum & citatiorem exſpirationem calidam, linguæ & faucium ardorem, ſeſe prodens,) ex pituitâ in Cerebro putreſcente juxta antiquorum placitum, vel potius ex heterogeneis particulis ſanguini confuſis, vel ex impedito Cordis motu producta; hic enim motus cordis ſegnior dum propter Spirituum debiliorem influxum adeſt, ſanguis neceſſariò in fluxu ſuo conſueto retardatur, dum interea nihilominus ipſe obicem quendam offendens impetuoſius in ſe revolvitur & agitari incipit, non ſecus ac videmus aquas placidè defluentes, ſi ad ripas obicem quendam offenderint, citatiori motu in gyrum verti.



TH. XIII.

Nec minùs notanda sunt signa Distinctiva, quæ monstrant, quâ ratione affectus noster ab aliis sibi affinibus & cognatis morbis discerni queat: distinguitur ergò Lethargus à Somnolentiâ simplici, per somnum graviolem, à Caro per febris præsentiam, utpote quæ in Caro abest, dein Caro affecti vix oculos aperiunt, nec respondent, lethargici verò respondent aliquid motis leviter labiis, sed statim rursus in somnum delabuntur, vellicati tamen sentiunt, integrâ manente respiratione. Porro distinguitur à Catalepsi lethargus, quia ibi ægri oculos apertos, cum corpore toto ad instar Marpesiæ rupis immobili, habent, hîc verò oculi obveniunt ferè semper clausi. Prætereà ab Apoplexiâ præsentem affectum discernere non adeò difficile est; Apoplectici siquidem subitaneo functionum animalium exercitio privantur, respiratio est difficilis; secus ac evenit in lethargo, qui ægris successivè prehensis liberam magis respirationem relinquit.

TH. XIV.

Transimus ad signa Prognostica, *Eventum morbi, tempus, & modum eventus* manifestantia: Quod primi generis concernit signa prognostica, exitiale censetur malum, si febris malignæ vel morbis aliis cephalicis, aut affectibus convulsivis, aut doloribus gravioribus, in corpore cacochymo aut valetudinario, aut in ætate senili constituto supervenerit, vid. *Willis. l. c.*, nec minùs periculum summum adest, si æger derepente instar apoplectici lethargo corripitur, & morbo ingravescente tendinum subsultus, spâsmi, tremores, motusq; convulsivi superveniant, porro si caput frigidè fudet, inrernuncium mortis adesse Practici experti affirmant: Major verò salutis spes affulget, si somnus non adeò profundus, respiratio



ratio liberior, facultatum læsio tolerabilis in corpore juvenili observetur; Vel si affectus corpori aliàs sano & robusto, citra pravam diathesin humorum, à causis evidentibus fortuitis e. g. crapulâ, narcoticorum usu, capitis ictu non nimis violento &c. inductus fuerit, atq; symptomata paulò remittere mox incipiant.

TH. XV.

Quod ad *secundi* generis signa attinet, non opus est, ut de iis multum simus solliciti, morbum namq; acutum esse constat; & *Hippocr. Lib. II. de morb. text. 63.* Lethargicos in septem diebus mori, si verò hos effugerint, sanos evadere pronunciat.

TH. XVI.

Quod *tertii* generis tandem signa concernit, in lethargo parotides supervenientes, vel apostema in Cervice ortum, propter materiæ morbificæ metastasin, à loco nobiliori ad ignobiliorem factam, salutare indicium præbent, quale etiam exhibet materiæ morbificæ manifesta per sudorem, urinam, aut alvi fluxum, oculorum aut narium stillicidia, auriumq; fluxum purulentum, aut sternutationes facta, excretio, cum ægri evphoriâ conjuncta. *Hippocr. in Coac. prænotionib.* qui ex lethargicis servantur, scribit plerumq; empyicos fieri; circa quod prognosticon monet *Lazarus Riverius Prax. Medic. Lib. I. c. 2.* verum empyema ex lethargo genitum, vix ulli videre contigisse; sed veritati magis consentaneam esse Mercurialis interpretationem, quæ vult, vel empyicos vel suppuratos hoc loco esse intelligendos, quibus per aures vel nares materia purulenta evacuetur. Docuit enim *Galenus Comm. Aph. 7. Sect. 5. & Aph. 44. Sect. 7.* per empyema *Hippocratem*, non solum quæ in thorace, sed quæ etiam in singulis partibus fit, suppurationem intelligere. Quicquid sit, nec tamen

impossibile esse crediderim, verum empyema lethargo succedere, à Willisio persuasus, materiam illam morbificam, quæ in capite defixa veterum excitaverat, postea à sanguine rursus resorptam, & in pectore depositam empyema aut sputum instar tabidorum producere posse, tale siquidem ab ipso in febre Epidemicâ soporosâ, quæ regnavit Anno hujus seculi sexagesimo primo, annotatum & observatum legitur. Ceterum si lethargus in apoplexiam aut epilepsiam degeneret, conclamatum ac Charonti naulum persolvendum esse ajunt.

TH. XVII.

Sed ordo & tempus monent, ut ad *Curationem* affectus nostri sat gravis me recipiam, quam ad imitationem Practicorum celebrium, in eam, quæ in Paroxysmo, & eam, quæ extra Paroxysmum locum habet, distinguere commodum visum est.

TH. XIIIX.

In Paroxysmo igitur palmariae *Indicationes* binæ observandæ erunt: I. *Ut ager excitetur*, II. *Spiritus animalium expansio irradiativa in Cerebro impedita, quantum licet, liberetur, per maturam obstaculorum perspectorum remotionem.*

TH. XIX.

Indicationi primæ inservient objecta vehementiora sensuum externorum organis oblata; nimirum ægri aures clamore impleantur, vel is nomine proprio, ore auribus propius admoto, fortiter compelletur; mox frictiones asperæ, vellicationes & puncturæ corporis, aut ligaturæ dolorificæ, non tamen longius continuandæ, hinc inde instituantur, vel titillationes sub axillis fiant, vel plantæ pedum cum scopulis setigeris verrantur; *Plinius Lib. XXII. cap. 13. Urticam lethargicos expergiscere, scribit, tactis cruribus, magisque fronte.* Nec alia quæcunq; intermittat Medicus, qui-



quibus ægrum excitari posse crediderit, ita sanè singularem modum, quo lethargo oppressus quasi in vitam revocatus est, enarrat vel effingit. *Horatius Sermon. Lib. II. Satyr. 3.*

*Pauper Opimius argenti positi intus, & auri,  
Qui Vejentanum festis potare diebus  
Campanâ solitus trulla, vappamq; profestis.  
Quondam lethargo grandi est oppressus: ut hæres  
Jam circum loculos, & claves latus, ovansq;  
Curreret. Hunc Medicus multum celer, atq; fidelis  
Excitat hoc pacto: mensam poni jubet, atq;  
Effundi saccos nummorum, accedere plureis  
Ad numerandum: hominem sic erigit, addit & illud:  
Nî tua custodis, avidus jam hæc auferet hæres.*

Sed hæc οἷς ἐν παρόδῳ.

### TH. XX.

Postmodum multum è re fuerit, si Θ volatile urinæ, aut ς us \*ci urinosus, in vase oblongi colli, aut spongia aceto rutaceo, vel aceto cum castoreo permixto, imbuta naribus admoveatur; deniq; loco epithematis fronti, temporibus, pulsibus, testibusq; applicetur; aut fiat acetum aromaticum acre, ex infusione Bacc. Juniperi, Lauri, Rorismarini, Zedoariæ, Sem. Sinapi, Nasturtii &c. quo crura ut & nares fricentur. Vel ex præscripto *Willisii* tempora & facies Ol. Succini aut balsamis cephalicis illinantur.

### TH. XXI.

Ut autem porrò Indicationi secundæ quoq; satisfiat, varia in Paroxyfmo etiam adhibenda erunt remedia. Quòd si enim ς uum animalium in cerebro expansio irradiativa, à particulis plurimis pituitosis viscidis, aut serosis aqueis, aut purulentis, cerebri poros ac meatus occupanti-

pantibus, impedita fuerit; absq; mora injiciatur Enema aliquod, ad imitationem *Sennerti Medicin. Practic. Lib. I. Part. 2. c. 20.* vel *Costeri in tabulis affectuum præcipuorum Theoretico-Practic. p. m. 14.* ex cephalicis emollientibus ac evacuantibus, vel magis acre ac stimulanis, ad imitationem *Friederici Deckeri in Not. ad Prax. Barbettian pag. 29.*, præscribendum, tum ut primarum viarum excrementa subducantur, tum ut materiæ morbificæ averfio aliqua à cerebro fiat; cum quibus parem fermè vim habent fuppositoria acriora intrufa. Dein V. S. instituatur, nam tametsi copia sanguinis fui imminutionem postulans non adfit, aut ubiq; concurrat, illa tamen eatenus (ita me docente *Willisio*) juvat, quatenus vafa sanguine depleta, ferum aliosq; humores in Cerebro depositos aptius reforbent. Locus pro eâdem celebrandâ fit vena brachii, nunc dextri, nunc finiftri, prout circumstantiæ à prudente Medico attendendæ fuaserint; *Willisius* equidem in hoc casu venam jugularem præ brachiali pertundendam effe confulit, quoniam hoc modo fanguis intrâ capitis finus plurimum coacervatus, & forfan ftagnans, in circulationem æquabilem facilius reducetur; vereor autem, ne ex colli constrictione cum fasciâ, quæ talem Venæfectionem præcedere debet, in majus malum æger incidat; ne dicam jam de dubiis, quæ contrâ eandem fectionem proponit *Leonhardus Botallus Oper. Medico-Chirurgic. à Clarifimo Horne editorum p. 88. & 334.* Ceterum Venæfectionis vices in nostro affectu, fi corpus fit fenile aut debile, Cucurbitulæ fcarificatæ, fupplere poterint.

## TH. XXII.

Multum quoq; prodeffe Veficatoria nuchæ, & aliquando post aures, imò & cruribus applicata, experientia loquitur: nec minus pro exturbandâ cerebri poris  
ac



ac meatibus inclusâ materiâ morbificâ insignem vim habent sternutatoria acria, ex pulv. rad. hellebor. albi, lil. convall. nigell. majoran. salv. fl. anthos. &c. addito castoreo, ac adspersâ unâ alterâvé Ol. majoran. vel lavendulæ destillat. guttâ, naribus insufflata. *Frid. Deckerus in Not. ad Prax. Barbettian. p. m. 36.* sequentis Errhini, ex Turbith. mineral. ℥ss. & glycirrhiz. ʒss. pulv. parati, tantillo naribus indito ac inflato lethargicum liberavit, dum tanta puris paucio sanguine mixti copia, non tantum ex auribus, verum etiam faucibus secuta est, ut nisi oculis suis vidisset, ipsi credere impossibile fuisset. Poterint insuper revulsionis gratia sinapismi plantis pedum admoveri.

TH. XXIII.

Quodsi verò Spirituum in Cerebro expansio irradiativa impedita fuerit, propter sulphur vaporosum narcoticum, ex crapulâ, usu excessivo opiatorum, fumis &c. suggestum, ægro sine morâ Emeticum propinandum erit; e. g. Aqua benedict. Rulandi, aut Tartar. emetic. cum Aq. Cerasor. nigr. &c. dein exhibeatur Tinctura Castorei, aliâq; inde parata medicamenta, tanquam optima contra narcoticorum noxas antidota.

TH. XXIV.

Prætereà tùm hîc, quàm alibi, patientis ori mixturæ & potiones Spirituosæ, ex cochleari subinde infundendæ sunt: E. g.

Rx. Aq. puleg.

betonic.

flor. tilia

lil. convall. āā. ʒvj.

hirund. cum castor. ʒj.

Syr. de Stæchad. ʒss.

Liq. C. C. succinat. vel ♀ \* succinat. ʒj.

M. dr. ad Vitr. pro Potione.



Admisceri etiam poterint  $\Theta$ ia volatilia, tam simplicia, quàm oleosa aromatica, & pulveres convenientes, hosq; inter pulvis antilethargicus specificus *Dolæi in Encyclopæd. p. m. 21.* descriptus.

TH. XXV.

Et hæc de Curatione in Paroxysmo dicta sufficient: proximum nunc est, ut Curationem extrà paroxysmum instituendam subjungam; cui tametsi remedia hætenus adducta apprimè pariter inserviant; sequentes tamen *Indicationes* ulteriùs attendendas proponere lubet. I. *Ut futurus materia morbifica, in Cerebro Quum animalium expansionem irradiativam impeditur, proventus inhibeatur.* II. *Materia morbifica peccantis reliquæ evacuentur.* III. *Conveniens cerebri temperies ac tonus restauretur.*

TH. XXVI.

Quapropter pro Indicationibus hisce in actum deducendis accuratam Diætam ægro afflicto Medicus primum præscribet: Videlicet ut I. in Aëre versetur puro, temperato, claro, lucido; humidum autem vaporosum nebulosum, frigidumq; vitet, aut suffumigiis ex ligno Juniperi, Succino, Mastiche, Storace calamita &c. paratis corrigat. II. Cibo utatur laudabili, facilisq; digestionis, cinamomo aliisq; aromatibus modicè condito, vel, ex consilio *Dolæi*, fruatur jusculis caponum, gallinarum, ac pullorum gallinaceorum, herbis cephalicis aliisq; in farctorum, à lacticiniis verò abstineat; Potus sit vinum non musteum, sed tenue, longâ fermentatione exquisitè depuratum, vel celebratissimum hodie decoctum herbæ Theè, cum  $\nabla$  fontanâ & paucò saccharo paratum, ad somnum compescendum Cerebrumq; siccandum usitatissimum, de quo vid. plura in *Theophilo bibaculo Clar. Pechlini*, & in scripto ex Anglico in latinum Idioma transposito,



to, cui titulus: Naturgemäße Beschreibung der Coffee, Thee, Chocolats, und des Tabacks. *III.* Somno minimè indulgeat lethargicus, sed ab eo maturè excitetur, aut per amica & jucunda colloquia impediatur. *IV.* Motus corporis eidem quoq; commendetur, per deambulationes amœnas, saltationem, equitationem, aliaq; corporis exercitia inducendus. *V.* Serosa, pituitosa, aliaq; sanguinis recrementa, ad naturæ & consuetudinis leges, per alvum ope enematum aut purgantium, tum per sudationem, scarificationem, Venæsectionem, hæmorrhoidum apertionem &c. maturè eliminantur. Diurisis præprimis proritetur, quia, ut *Aurel.* habet, multi liberati ab Urinæ interceptione moriuntur, vid. *Petræus l. c. Th. 42.* *VI.* Circa animi demum pathemata notet æger, ut

-- -- -- *tristitiam & metus*  
*Tradat protervis in mare Creticum*  
*portare ventis, --*

lætitiæ autem & hilaritati studeat, eumq; in finem amicorum conversationibus frequenter intersit, aut Musicæ deliciis se recreet.

### TH. XXVII.

Iis, quæ circa diætam proposui, probè observatis, aliorum etiam remediorum, primæ Indicationi in *Th. 25.* antè designatæ inservientium, conjungendorum usus feliciorum consequetur efficaciam. Ad futurum igitur materiæ morbificæ pituitosæ, viscidæ, & uuum animalium expansionem irradiativam in cerebro aliàs impedituræ, proventum inhibendum, usurpentur variis formulis includenda medicamenta, pituitam viscidam alterantia & corrigentia à *Fr. Sylvio Prax. Medic. Lib. XI. cap. 29. §. 29.* adducta, tum alia attenuantia, aromatica, salina volatilia acria, acida incidentia, itemq; tam salina fixa lixiva dicta,



quàm falsa & enixa, ex Acidi & Alkali copulâ genita, uti Tartarus vitriolatus, Arcanum duplicatum, Arcanum tartari Noricum &c. quibus Mercurialia cautè jungi poterint.

*TH. XXIX.*

Nec minùs ad futurum materiæ ferosæ aut lymphæ vappescentis ( si quando illa peccaverit) proventum præcavendum erit respiciendum, potum parcum ægro concedendo, vel decoctum diaphoreticum & diureticum, ex Rafur. lign. Sassafras. Juniperi, Cortic. guajac. Rad. caryophyllat. Taraxac. Sem. milii & fœniculi subinde propinando, cujus uni alterive dosi, Syrup. quinq; Rad. ʒj, & us is dulcis gtt. viij. vel x. addi poterint. Fonticuli etiam hîc è re esse possent.

*TH. XXIX.*

Porro ad noxam ulteriorem, à Sulphure vaporoso, viscoso, vitriolico, aut narcotico metuendam, præcavendam, ægro propinentur ad exemplum *Sylv. Prax. Medic. Lib. II. cap. 27. §. 72.* acida, cum aliquali acrimoniâ conjuncta, uti sunt Spir. nitri, Spir. vitrioli philosophicus, Spir. veneris. Hermetici pro curatione hîc necessarium esse ajunt Sulphur quoddam non narcoticum & somnificum, sed contrariâ virtute præditum, taleq; extrahi tradunt vel ex ipso Sulphure vulgari, ut Oleum Sulphuris, Spiritum, ac quintam essentiam Sulphuris, vel ex aliis in quibus tale Sulphur delitescit. *Sylvius l. cit. §. 75.* spiritus salis & vitrioli volatiles haud parvi faciendos esse tradit, de quibus consulendus *Glauberus* in eorundem præparatione. Si ab incauto opiatorum usu affectus noster exortus fuerit, eadem remedia & hîc locum habent, quæ contrâ illa ante in Curatione paroxysmo debitâ laudavi.

*TH. XXX.*



Th. XXX.

Quod secundam concernit extrà Paroxysmum Indicationem, pro materiæ morbificæ peccantis reliquiis evacuandis, convenient: (1) Purgantia ex Gialappa, Aloë, Agarico, Scammonio sulphurato, Mercurio dulci &c. concinnanda, addito Castorei tantillo. E. g.

Rx. *MPilul. tartarear. Bontii* ʒj.

*Resin. jalapp.*

⊖ *vol. succin. āā. gr. iiij.*

*tartari gr. ij.*

*Ol. major. destillat. gtt. iiij.*

Mr. cum Tinctura castorei & succin. F. pilul. n. xv.

inaur. dr. ad scatul. pro 1. dosi.

Vel Pilul. Arabic. de succino Cratonis, de agarico, cochix Rhafis, Mastichinæ &c. in certâ dosi singulis hebdomadis semel bisve paulò ante cœnam usurpentur. (2) Diaphoretica & Diuretica, alcalia volatilia, uti ⊖ volatile C.C. flor. \*ci, Lig. C. C. succinatus; ac fixa, uti ⊖ ia lixiva quævis; tùm alcalina ⊖ inum stimulum in sinu gerentia, sicq; incidentia simul & attenuantia, uti sunt Ocul. 20, corallia, Terra figillata &c. (3) Sternutatoria *suprà in Th. 22.* jam laudata, vel Errhina ex Aq. majoranæ, Succo be-tonic. pulv. rad. Ireos & nuc. Moschat. paranda. (4) Masticatoria & Apophlegmatizantia. E. g.

Rx. *Rad. Pyrethri,*

*Irid. Florent. āā. 3ß.*

*Sem. Staphisagr.*

*Mastich.*

*Cubebæ.*

*Tabac.*

*Spec. Diambæ. āā. ʒj.*

Pulverifata excipe c. s. q. Ceræ F. Trochisci mastigandi, sæpiusq; in ore volutandi. Vel

℞. *Pulv. NM.*

*Caryophyll. arom.*

*Sinap.*

*Piper. alb.*

*Pyrethr.*

*Zingib. āā. ʒß.*

*Mell. anthos. ʒß.*

Mr. hôcq; inungatur palatum.

(5) Vesicatoria l. c. pariter à nobis jamdum commendata, quorum loco si setaceum aut fonticuli magis placuerint, per nos esto. (6) Cum his scarificatio, hirudinumq; admotio in asfuetis, non absq; felici successu, congiungi poterint.

### TH. XXXI.

Reliquum nunc est, ut circumspiciam, quomodo tertiæ Indicationi, quæ convenientem cerebri temperiem ac tonum restaurandum esse postulat, satisfiat? Hîc verò medicamenta tam interna quàm externa cephalica præscribenda ac ordinanda erunt. Inter cephalica interna maximè proficua sunt (1) Volatilia sulphurea & balsamica Quosa aromatica, uti radix Galangæ, Zedoar. Ireos Florent. Herb. betonic. lavendul. majoran. salviæ flor. anthos, spicæ, cubebæ, succinata & castorina omnia, &c. atq; ex his factæ conservæ, aquæ, essentiæ, Œus, Tincturæ &c. (2) Volatilia urinosa, uti Œus \*ci, lil. convall. volatilis, C. C. viperarum. Utraq; enim Spiritus animales roborant, lympham vappescentem corrigunt, occlusosq; cerebri poros dilatant. (3) Acida volatilia sulphuri narcotico domando aptissima, uti Œus Oli cephalicus, Œus ♀is, Aq. magnanimitat. ex acido formicarum & Spiri-




Spiritu vini constans. Ex quibus omnibus varias formulas quisq; pro lubitu componere poterit, quales hîc apponere temporis penuria prohibuit.

TH. XXXII.

Inter Cephalica externa laudantur: (1) Pulveres rad. Ireos. nigellæ, mastichis, thuris, cubebæ. cardamom. minoris, lign. aloës, fantal. citrin. Fl. Ros. rubr. anthos lavendulæ, stœchad. cum moschi aut ambr. aliquot granis, bombace excipiendi, & sindoni includendi pro cucuphâ in capite gestandâ. (2) Balsami, ex Oleorum destillatorum majoran. lavendul. cinamomi atq; cariophyllo- rum aliquot guttis, cum Oleo NM. expresso exceptis, componendi, quibus tempora, nares, vertex capitis, atq; nucha illinantur. (3) Fodus & linimenta capitis à *Sennerto Prax. Medic. Lib. I. part. 2. c. 20. & Riverio Prax. Medic. Lib. I. cap. 2. p. m. 36.* descripta. Sed nunc receptui cano, dum instans iter me non tam avocat, quàm abripit; Deoq; ter Optimo ter Maximo pro suâ ineffabili clementiâ, protectione & benedictione hucusq; mihi indultâ humillimas grates persolvo; Tibi verò B. L. hunc ingenii mei foetum, propter injunctam festinationem rudem atq; non satis expolitum, ita commendo, ut si quosdam ejus nævos offenderis, iis delendis gratiam, si defectus observaveris, iis veniam commodare velis. T A N T U M.

C O R O L L A R I A.

- I. *Non dantur vera purgantia.*
- II. *Fæculæ faculenta sunt remedia, atq; adeò ad magisteria detru-  
denda, quibus cum pari passu ambulant.*
- III. *Medicamentorum operationes diversæ, à corporis nostri partium  
diversa structura dependent.*
- IV. *Ubicunq; est concursus Acidi cum Alkali ibi effervescentiam oriri  
nemo ibit inficias.*
- V. *Medicamenta, quò simpliciora, eò meliora.*



**A**POLLINIS PATRIS ÆSCVLAPI haud de-  
gener

Amice VOLCKAMERE, doctas vigilias  
LETHARGVS exhibet Tuas, non somnia  
Hîc cerno formis ludicris errantia,  
Sed mentis aciem vividam; haud caliginem,  
Sed inferentem lumina facem fulgidam  
Ingenii. Ovanti mox TIBI de prælio  
Musæ accinent nostræ supremo, queis meum  
Votum precesq; serias jungam: ut Dii  
Servent PATRIS TE gaudium CELEBERRIMI.  
Fausto pede igitur VOLCKAMERE nunc  
abi

Ad regna culta Ausonia, & incolumis redi!

*Ita*  
*Nobil. & Clariss.*  
DN. DOCTORANDO,  
*animo quàm versu meliore*  
*acclamat*

**Johann. Mauric. Hoffmann,**  
Philos. & Medic. D. Chem. atq; Anat.  
Prof. Publ. S. R. I. Academicus Cu-  
riosus, ac Facult. Med. h. t. DECANVS.

